

成安縣志卷六

實業

周書曰農不出則乏其食工不出則乏其事商不出則三寶絕
虞不出則財匱少蓋四者皆吾民衣食住行之原也故有民責
者課農惠工通商飭虞勤求實政使民各趨於實業誠知農工
商虞一有或缺則窮阨饑饉諸物困乏民不堪命矣成邑無山
澤故無虞交通不便故無商銅鐵絲麻竹木皮骨等原料不生
故亦無工所恃以爲生者惟此好稼穡植五穀農之一途然苦
於守舊耕鑿之外無進步祇知菲飲食惡衣服卑宮室以儉自
持何其陋也幸也木棉改種棉業可望發達有識之士咸思購

成安縣志

卷六

實業

三十四

天津文竹齋印

機設廠製紗製布就地取材變生貨爲熟貨以冀挽回外溢之
利於萬一是亦農工商三政中之新紀元也志實業

吾人處大地之上得以豐衣足食安居樂業無困苦虞無凍餒
患者農工商實業維持使然也成邑土多沙城物質單薄雖欲
改良進化求物品之美產額之富實有不易言者茲舉其歷年
經營較有成效者畧述如左

農

改良農田

本縣到處旱地村無水田一遇亢旱饑饉薦臻雖有良田棄同
礮瘠救濟方法非掘井不爲功查近來民情漸趨開化城西一

帶鑿井種田頗形踴躍甚至組織鑿井合作社協力進行東南北各區亦然統計全縣井數約五百八十眼之譜鑿井每眼費洋數十元需款無多獲利較厚嗣後井田普及成邑農田從此可無旱害而農作物從此可無歉收是亦解決民生問題之一道也

提倡美棉

我縣農業向不講求豐與歉聽之天優與劣任之人因陋就簡老死而不變一法此農業之未能改善也邑人張延齡先生農部供職十有數載深知農事之關於民生甚深爰從磁縣馬頭鎮及我縣北郎堡先後創立棉廠兩處專種美棉一以經營實

成安縣志

卷六

實業

三十五

天津文竹齋印

業一以提倡風氣試驗數載著有成效又欲推己及人改良磁成棉業散放美棉籽種三四年其收效之速初及磁縣繼及成邑成邑植棉較廣之區也棉花地約占三分之一城西普種美棉城東南北美棉亦居多數再閱數年本棉當盡變爲美棉以美棉之成質優良收穫加多種不擇地攸往咸宜詢足改良吾縣棉業也

按馬頭鎮廣育棉場民國十年開辦場長稱爲經理場務由經理聘員僱工經營之產額年約籽棉六萬斤資本洋一萬八千元工人月資洋六七元不等北郎堡棉場係馬鎮分場年產約籽棉二萬斤資本由分場按年支數預算從馬頭鎮

總場撥給之經營情形及工資等與馬頭鎮棉場同

振興林業

本境漳河故道到處荒沙綿延數十里統計約萬畝其間任其荒棄不事經營者所在皆有沙河村王奉閣先生概念本村荒沙之害邀同村中辦公人員酌議試辦森林以興利源村人無不贊成並公推先生爲森林會會長于民國三年春間籌款若干栽植柳桿三萬餘株當呈縣府備案復由縣布告保護孰意民國九年大旱居民相繼死亡先生同衆公議將森林伐去若干以蘇民困藉此得免凍餒斃者約數百人民十五年樹皆成材而亂兵會民任意恣擾土匪亦橫行無忌林木遂摧殘無餘

成安縣志

卷六

實業

三十六

天津文竹齋印

矣計資本約三百元得利額約三萬元以上先生經營純係義務其章程從畧

北魚口村東南沙地約三四百畝向不耕作每值風起沙飛好地多被其害耿長江王吉甫憂之設法勸導村民大感遂植楊柳桃杏梨等樹一萬餘株荒蕪之地近稍稍變爲富利之區矣

工

義興工廠

義興工廠發起者韓榮齋王守介先生先生爲振興工業挽回利權起見激勵大義合資興辦故號曰義興于清宣統二年創立開設西姚堡村以織染布疋爲業所用棉線購自津埠合股

線居多織成布疋名愛國布均平面間有花紋布顏色分藍青
櫻紫謝綠等色頗蒙各界歡迎櫻色布在省垣品評會中曾得
一等獎章該布精美可想而知經理工師按人股分紅工徒無
工價每屆年終按獲利大小酌給勞資每年產額約在三千疋
以上資本四千元係合股營業至民國八年因地方不靖暫停
工作其章則股票從畧

廠址 城北西姚堡村

經理 韓錦堂劉 銀

工師 王恩普朱聚雲韓文田王延壽王士廉

工徒 二十二名

成安縣志

卷六

實業

三十七

天津文竹齋印

信義工廠

信義工廠係武存禮先生開辦設立第三區西呂彪村號信義
者取主忠信以義爲利之意也經理二人工師二人工徒六七
人專以織染爲業棉線從津埠購用所織布疋均係平面品質
精美且能耐久時人多樂購之統計產量年約二千四百疋左
右資本三千元從集股興辦工師工徒之待遇同義興工廠民
八年因亂歇業其股票章則從畧

計開

廠址 西呂彪村

經理 武學周劉書紳

工師 武新周張 鈺

工徒 十五人

廣裕工廠

廣裕工廠係張樂天先生經營先生性慈愛素懷引導民衆各安生業之志民三年見鄉民無業者多乃籌措資本洋一千六百元從第四區前裴里村開設工廠收納失業游民藉資糊口以便習藝經理係先生負責工師二人工人多少無定以織染爲業棉線購自津埠所織布疋平面花紋緻密堅美每年出產計一千二三百疋工師按股分息工人按月給資民七年因地方亂暫停辦其章則從畧

成安縣志

卷六

實業

三十八

天津文竹齋印

計開

廠址 前裴里村

經理 張琴書

工師 高玉蘭李榮慶

工人 十人左右臨時僱用

吳家瞳畫店

吳家瞳在縣城東南二十五里屬第二區該村人活潑耐勞且多技藝以畫工裱工爲業者爾來百有餘年矣然各自爲業頗屬零星難以稽考彩工以禹王鎖蛟天官賜福等畫爲多裱工亦甚佳而出於婦女者佔大多數爲一般民衆慶祝紀念之贈

送品除本地銷售外常以東西南各商埠爲銷售場而大躉批發者大名東昌濟南彰德衛輝懷慶開封等處尤多獲利頗厚故遇饑饉該村獨無凍餒之虞近來交通便利民智益開社會所需要者日趨精美而操斯業者亦日加改良按合作條例招股組織合作事業開設畫店店內經理二人幹事三人工徒六七人專事南北貿易及收發村中各業戶貨品其餘零星各戶咸爲該店之工手所用畫片購自津平裱工上軸分工作業工妥送交店中以轉發各處每年出品約值洋萬元左右資本洋一千八百元經理工師係人股工徒有津貼無工資各業戶有無資本不定